

秦御醫景明大方折衷

二



秦御醫景明大方折衷

二

秦御醫景明大方折衷卷下

後學

李士材
施笠澤
同閱

疝證

諸氣

諸血

勞證

增遺精

盜汗

骨蒸

欬軟

增痰證

眼疾

喉證

疝氣證

疝氣者病在下部俗云小腸氣也其實非
小腸爲病而屬足厥陰肝經也人之一身
惟兩脇與小腹以至陰囊辜_音丸皆統於
肝肝主筋而脈循陰器陰者筋之宗也一
著於寒則宗筋短縮而小腹急痛下連辜
凡牽引作疼甚至有上升入腹有脇脅動
氣或時脹起橫入陰處響如蛙聲而作下

病源

疝證

一

墜者此皆爲寒疝也至於感溼而成者一
凡漸大一凡漸小而小者或至於消盡併
於大者而成一凡焉其冷如冰其硬如石
大如鷲卵痛連小腹筋脈牽引坐臥不安
乃肝木受溼暢茂條達如樹得地氣易於
長成此皆爲溼疝也有身體發熱陰囊脹
大皮破水流痛不可忍戀於房勞故也因
婦人不潔穢水浸溼熱氣蒸染所致此皆

爲勞疝也有身體發熱耳後忽生疔腮紅
腫脹痛疔腮將退而畢凡忽脹一凡極大
一凡極小有似乎偏墜而非偏墜也蓋耳
後旁乃足少陽膽經之位與足厥陰肝經
相爲表裏足少陰腎經感受風熱故疔腮
忽生後傳熱於厥陰故疔腮既減而畢凡
卽大此皆爲熱疝也有陰囊脹大如斗陰
墜反縮入內小便淋瀝不能通快行履滯

礙不能健步者非疝也乃足少陽膀胱經
之氣也腎與膀胱相為表裏蓋腎主水而
不能藏故膀胱受之氣化則能出矣惟腎
虛為邪所侵遺病於膀胱膀胱受邪氣閉
而下墜小便滲入於陰囊日積月累故脹
大如斗也治此病者以伐腎邪為生斯得
之矣如若小兒偏墜當以食積治之因食
積不消脾氣下行流入肝部故成此證豈

可以大人之疝一例而治之哉婦人患疝
小腹兩旁逼近陰處忽然并結脹痛或皮
肉頂起如雞子頭者寒氣聚於厥陰小腹
受寒其病即發此之謂陰疝孰謂婦人無
疝乎

藥例

畢凡上升入腹者寒疝也宜以青皮官桂
爲君荔枝核橘核大茴小茴芍藥木通烏

藥爲佐加沈香飛鹽酒煎空心服或用鷄
蛋殼或鷺蛋殼燒灰爲末酒調下卽愈
脇旁動氣橫入陰處下墜作聲者亦寒疝
也宜以青皮官桂爲君照以前藥爲佐加
木香少許熱服或用埴子川烏大茴小茴
丁香官桂乾薑良薑木香等八少加麝香
爲凡酒下少頃大便祛出寒氣卽愈
畢凡一大一小者溼也宜以蒼朮白朮防

己爲君官桂青皮木通雲苓澤瀉烏藥大
茴小茴橘核爲佐煎服外用蔥頭煎湯浸
舉凡於湯內以手擲之立刻樣同然無大
小之患矣

陰囊脹大皮爛水流者勞疝也宜以豬脬

音拋
膀脬

當歸爲君紅花桃仁官桂橘核青皮黃

藥芍藥茴香木通雲苓甘草爲佐

疝疝退後忽患偏墜者熱疝也宜以柴胡

病源

藥例

四

青皮黃蘗爲君赤芍藥赤茯苓甘草橘核
生地當歸爲佐若挾風加防風荆芥
婦人小腹近陰處脹痛或皮肉頂起如鷄
子頭者陰疝也宜以官桂爲君木香檳榔
青皮伏皮小茴大茴香附烏藥爲佐加沈
香空心服
小兒偏墜者食積也宜以山楂麥芽枳實
黃連檳榔草果砂仁蓬朮神麴白朮蒼朮

半夏陳皮甘草之類等分爲凡大抵疝證
皆屬肝經惟小兒偏墜由脾經而傳於肝
經也

凡疝證禁用薑橘同服或單用薑或單用
橘則無妨矣但二味同用斯補肝矣至於
紬辛善于補脾而閉氣如患肝經證者服
之令人卽脹懣同悶慎之但肝無補法以其
常有餘也五臟惟獨肝有餘然疝氣之證

亦肝氣有餘之甚者也豈可以復補乎

諸氣證

人得天地之氣以成形形者氣之所由以
寓者也氣者形之所由以統者也二者固
相爲用焉然亦有輕重之別焉如形病而
氣不病雖羸瘦無害氣病而形不病雖肥
壯可憂是形在所輕而氣在所重也人能
安養天和常使五臟之氣均得其平則何
病之有焉惟內傷七情外感六氣此氣之

病源

諸氣

六

侵五臟而爲病矣故心氣盛則燥不寧口
乾舌烈肺氣盛則壅塞喘急上膈煩懣肝
氣盛則時發暴怒兩脇膨脹脾氣盛則中
脘痞塞腹悶飽痛腎氣盛則膀胱滿急水
道不通此皆五臟之氣之有餘者也然心
氣虛則精神恍惚夢寐不寧肺氣虛則呼
吸短淺皮毛洒淅肝氣虛則筋脈不和頭
空少睡脾氣虛則饑不欲食溏泄自利腎

氣虛則腰痛不能轉側大小便牽引而微
疼此皆五臟之氣之不足者也是氣失其
平則氣爲本經之病善醫者調其氣而已
矣有餘者瀉之不足者補之豈有實實虛
虛之患乎大法一臟常以三臟治之本經
之虛實固宜補而宜瀉矣經云虛則補其
母實則瀉其子此之謂也醫者不可不知
也